

# PROTOCOLÈ « LUTA CONTRA LAS VIOLÉNCIAS SEXISTAS E SEXUAUS PER LAS HÈSTAS »

Las hèstas e manifestacions locaux que ritman la vita deu País Basco. Moments de convivialitat que son un marcador de la nòsta identitat. La hèsta que deu demorar aqueth momentòt de partatge pendent lo quau cadun.ua que s'amusa e qu'escambia shens cranhença.

Ua agression sexista e/o sexuau n'es pas un mesentenut o un desestruguèr, qu'es un acte violent, intencionau e reprehensible.

L'otratge sexista que consisteish a impausar a ua persona un prepaus o un comportament a connotacion sexuau o sexista, qui pòrta atenhuda a la soa dignitat e que l'expausa a ua situacion intolerabla.

L'agression sexuau qu'es un acte a caractèr sexuau cometut shens lo consentiment clar e explicit de la victima tà çò las paupadas.

Aqueth protocolè qu'a com ambicion de hornir aus organizator.a.s ua atruna metodologica que'us permet de previèner e d'agir contra las agressions sexistas pendent las hèstas e manifestacions locaux e perméter atau a cadun.ua de'n profieitar l'esperit liure.

## **I. Preparacion de las hèstas e manifestacions locaus**

### **A) Reünions preparatòrias**

L'inscripcion a l'ordi deu jorn de las reünions d'organizacion que permet d'integrar la luta contra las violéncias sexistas e sexuaus dens lo dispositiu e lo debanar de la manifestacion e d'estructurar la prevencion, la presa en carga de las victimas e deus agressors.

Entà assegurar ua responsa completa, los organizator.a.s que deuràn velhar a recensar e convidar cada actor.a de la manifestacion (comèrcis, associacions, fòrças de securitat...) a las reünions preparatòrias e bastir dab eths e eras un dispositiu adaptat a la manifestacion.

### **B) Informar e formar los actor.a.s de la hèsta au dispositiu**

Au delà deus organizator.a.s, las manifestacions locaus que concerneishen un haish d'actor.a.s locaus dont los cafetèr.a.s, las associacions tienent deus taulèrs o estanquets, los comerciant.a.s... La lor informacion suu dispositiu començat, acompanhada d'ua formacion que'us permet de detectar los actes e prepaus inadmissibles e de securizar las victimas, çò qui favoriza la convivialitat de las hèstas.

### **C) Comunicacion suu dispositiu**

En amont de la manifestacion, los organizator.a.s qu'organizan ua campanha de comunicacion presentant lo dispositiu previst entà lutar contra las violéncias sexistas e sexuaus entà informar los participant.a.s suus mejans a la lor disposicion entà senhalar hèits e se méter en securitat.

## II. Pendent las festivitats

Durant lo debanar de las hèstas, lo dispositiu de luta contra las violéncias sexistas e sexuaus que deu préner en compte quate dimensions : l'informacion, la preséncia umana, l'arcuelh de las victimas e l'identificacion deus autors.

### A) L'informacion

Apausadas aus endrets estrategics (entradas, estanquets, taulèrs...), las afichas raperant la definicion d'un acte e d'ua agression sexista, las penas encorruadas, lo dispositiu metut en plaça e convidant a la responsabilitat e a non pas ignorar ua persona en dificultat que permeten de sensibilizar l'ensemble deu public. En debuta de hèsta e pendent lo son debanar, la difusion de messatges que participa tanben ad aquera dinamica.

### B) La susvelhança

Au còr de las equipas d'organizacion que i son designadas personas relais identificaderas per un còdi color entà velhar a la tranquillitat de las festivitats, rassegarar per la lor preséncia, anticipar las situacions, préner en carga las victimas e las orientar.

### C) Un lòc dedicat a l'arcuelh de las victimas

Durant tota la durada de las festivitats, un taulèr d'arcuelh de las victimas que permet de las méter a l'acès, de las rassegarar e recuelher los lors testimoniatges en vista de l'identificacion deus autor.a.s.

### D) Lo recuelh de la paraula de las victimas

Dens lo lòc d'arcuelh un espaci dedicat au recuelh de la paraula de las victimas qu'es organizat entà poder estar escotadas e orientadas sus las proceduras judiciàrias e sustot lo depaus d'un planh.

## **Contactes utilès :**

### ➤ **Associacions :**

- Associacion Erran Eta Bizi (Amikuze, Sent Palai) : 0661889951  
(erran-eta-bizi@orange.fr)
- Associacion Ciutadanetat Justícia País Basco (ACJPB) : 0559594593
- Centre d'Informacion seus Drets de las Hemnas
- Associacion Femin'hitza

### ➤ **Servicis :**

- Gendarmeria Nacionau/Polícia Nacionau
- Procuraire de la Republica, 17 avienguda de la Legion Chèca, 64100 Baiona
- Permanéncia deus advocats : 0622050235
- Unitat de Victimologia Centre Espitalèr Còsta Basca : 0533788137